



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ**

ք. Երևան

27.05.2020թ.

**Ո Ր Ո Շ ՈՒ Մ
ՀՀ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ
ՔՆՆՈՂ ԱՆՁԻ
թիվ ԱՑ-ԼՕ-2020/116**

Նախագահությամբ՝ ՀՀ գնումների հետ կապված բողոքներ քննող անձ Լ. Օհանյանի
Քարտուղարությամբ՝ Լ. Անանիկյանի

Պատվիրատու՝ Երևանի քաղաքապետարան
Մասնակից՝ «Շին Տեխ» ՍՊԸ

Գնման ընթացակարգի ծածկագիրը և առարկան՝
«ԵՔ-ԲՄԾՁԲ-20/29» և «ԵՔ-ԲՄԾՁԲ-20/36» ծածկագրով բաց մրցույթ,
շինարարական աշխատանքների որակի տեխնիկական հսկողության ծառայությունների
ձեռքբերում

ՀՀ գնումների հետ կապված բողոքներ քննող անձը (այսուհետ՝ նաև Բողոքներ
քննող անձ)՝ ուսումնասիրելով Հայաստանի Հանրապետության ֆինանսների
նախարարության կողմից 27.04.2020թ.-ի թիվ 26/26-1/6120-2020 գրությամբ «Շին Տեխ»
ՍՊԸ-ին (այսուհետ նաև՝ Մասնակից) գնումների գործընթացին մասնակցելու իրավունք
չունեցող մասնակիցների ցուցակում ներառելու նպատակով նախաձեռնված
ընթացակարգով ներկայացված հիմքերը,

Պ Ա Ր Զ Ե Ց

1. Գործի նախապատմությունը

ՀՀ ֆինանսների նախարարությունը, Երևանի քաղաքապետարանի (այսուհետ նաև՝ Պատվիրատու) 16.04.2020թ. թիվ 01/61-6605 գրության հիման վրա, 27.04.2020թ.-ին «Շին Տեխ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնել է ընթացակարգ՝ Բողոքներ քննող անձին ներկայացնելով համապատասխան հիմքեր:

Բողոքներ քննող անձի գործը մակագրվել է 27.04.2020թ.-ին, նույն օրը կայացված որոշմամբ գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգը ընդունվել է վարույթ, տրվել թիվ ՍՅ-ԼՕ-2020/116 համարի ծածկագիրը և հրապարակվել է www.gnumner.am:

20.05.2020թ.-ին և 27.05.2020թ.-ին նշանակվել են նիստեր:

Գործի քննությունն ավարտվել է 20.05.2020թ.-ին և Բողոքներ քննող անձի որոշման հրապարակման օր է նշանակվել 27.05.2020թ.-ին:

2. Երևանի քաղաքապետարանի ներկայացրած փաստերը և դիրքորոշումը.

Երևանի քաղաքապետարանի, 16.04.2020թ. թիվ 01/61-6605 գրությամբ դիմելով ՀՀ ֆինանսների նախարարությանը, հայտնել է հետևյալը.

«Տեղեկացնում եմ, որ գնումների մասին օրենսդրությամբ սահմանված կարգով Երևանի քաղաքապետարանի կողմից 18.02.2020 և 21.02.2020 թվականներին հայտարարվել են համապատասխանաբար «ԵՔ-ԲՄԾՁԲ-20/29» և «ԵՔ-ԲՄԾՁԲ-20/36» ծածկագրերով շինարարական աշխատանքների որակի տեխնիկական հսկողության ծառայությունների գնման ընթացակարգեր:

Ընթացակարգերին մասնակցության հայտ է ներկայացրել «Շին Տեխ» ՍՊԸ-ն (այսուհետև՝ Մասնակից): Ընթացակարգերի գնահատող հանձնաժողովների որոշմամբ ընթացակարգերի ընդրված մասնակից է ճանաչվել «Շին Տեխ» ՍՊԸ-ն:

Մասնակիցը 13.04.2020 թվականին գնահատող հանձնաժողովներին ներկայացված գրությամբ հրաժարվել է գնման ընթացակարգերի հետագա մասնակցությունից:

Ելնելով վերոգրյալից՝ ղեկավարվելով «Գնումների մասին» օրենքի 6-րդ հոդվածի 1-ին մասի 6-րդ կետի գ. ենթակետով, առաջարկում եմ Մասնակցի նկատմամբ կիրառել Օրենքի 50-րդ հոդվածի 7-րդ մասի 2-րդ կետով սահմանված դրույթը:»:

Ելնելով վերոգրյալներից և ղեկավարվելով ՀՀ կառավարության 04.05.2017թ.-ի թիվ 526-Ն որոշմամբ հաստատված «Գնումների գործընթացի կազմակերպման» կարգի 45-րդ կետով, ներկայացրել է հայտարարված «ԵԲ-ԲՄԾՁԲ-20/29» և «ԵԲ-ԲՄԾՁԲ-20/36» ծածկագրերով ընթացակարգերի շրջանակներում «Շին Տեխ» ՍՊԸ-ի տվյալները՝ համապատասխան հիմքերով, օրենքով սահմանված կարգով հետագա ընթացքը լուծելու համար:

3. «Շին Տեխ» ՍՊԸ-ի ներկայացրած փաստարկները և դիրքորոշումը.

Բողոքներ քննող անձը 27.04.2019թ.-ին գրությամբ դիմել է «Շին Տեխ» ՍՊԸ-ին՝ հնարավորություն տալով ՀՀ ֆինանսների նախարարության կողմից 27.04.2020թ.-ի թիվ 26/26-1/6120-2020 գրությամբ նախաձեռնված ընթացակարգի վերաբերյալ ներկայացնել գրավոր կարծիք:

Մասնակիցը ստանալով կարծիք հայտնելու վերաբերյալ գրությունը, ինչպես նաև ծանուցված լինելով նիստերի տեղի, օրվա և ժամի մասին, չի ներկայացրել գրավոր դիրքորոշում, առարկություններ կամ կարծիք՝ չներկայանալով նաև հրավիրված նիստին:

4. ՍՑ-ԼՕ-2020/116 ընթացակարգի քննության համար էական նշանակություն ունեցող փաստերը.

Սույն գործի քննության համար էական նշանակություն ունեցող փաստերի համաձայն՝

Երևանի քաղաքապետարանի կողմից իր կարիքների համար շինարարական աշխատանքների որակի տեխնիկական հսկողության ծառայությունների ձեռքբերման նպատակով 18.02.2020թ.-ին և 21.02.2020թ.-ին հայտարարվել են «ԵԲ-ԲՄԾՁԲ-20/29» և «ԵԲ-ԲՄԾՁԲ-20/36» ծածկագրերով բաց մրցույթին ընթացակարգեր (այսուհետ նաև՝ Ընթացակարգ), որոնց մասնակցելու նպատակով հայտ է ներկայացրել «Շին Տեխ» ՍՊԸ-ն:

«Շին Տեխ» ՍՊԸ-ն մասնակցության հայտի թիվ 1 հավելվածով՝ բաց մրցույթին մասնակցելու դիմում-հայտարարությամբ, հայտարարել և հավաստել է, որ բավարարում է

«ԵՔ-ԲՄԾՁԲ-20/29», «ԵՔ-ԲՄԾՁԲ-20/36» ծածկագրերով բաց մրցույթի հրավերով սահմանված մասնակցության իրավունքի պահանջներին:

«ԵՔ-ԲՄԾՁԲ-20/29» ընթացակարգի գնահատող հանձնաժողովի 01.04.2020թ.-ի նիստի թիվ 3 արձանագրության համաձայն՝ հանձնաժողովը «ԵՔ-ԲՄԾՁԲ-20/29» ծածկագրով ընթացակարգի ընտրված մասնակից է ճանաչել «Շին Տեխ» ՍՊԸ-ին և որոշել է վերջինիս պայմանագիր կնքելու առաջարկ ներկայացնել:

«ԵՔ-ԲՄԾՁԲ-20/36» ընթացակարգի գնահատող հանձնաժողովի 10.04.2020թ.-ի նիստի թիվ 4 արձանագրության համաձայն՝ հանձնաժողովը «ԵՔ-ԲՄԾՁԲ-20/36» ծածկագրով ընթացակարգի 1-րդ, 2-րդ, 3-րդ, 8-րդ և 10-րդ չափաբաժինների մասով ընտրված մասնակից է ճանաչել «Շին Տեխ» ՍՊԸ-ին և որոշել է վերջինիս պայմանագիր կնքելու առաջարկ ներկայացնել:

«Շին Տեխ» ՍՊԸ-ն 13.04.2020թ.-ի թիվ 01 գրությամբ Պատվիրատուին հայտնել է, որ հաշվի առնելով վերջինիս ֆինանսական դրությունը՝ Մասնակիցը հրաժարվում է «ԵՔ-ԲՄԾՁԲ-20/29» և «ԵՔ-ԲՄԾՁԲ-20/36» ծածկագրերով գնման ընթացակարգերին հետագա մասնակցությունից:

«ԵՔ-ԲՄԾՁԲ-20/29» ընթացակարգի գնահատող հանձնաժողովի 13.04.2020թ.-ի նիստի թիվ 4 արձանագրության համաձայն՝ հանձնաժողովը հաշվի առնելով «Շին Տեխ» ՍՊԸ-ի «ԵՔ-ԲՄԾՁԲ-20/29» ծածկագրով ընթացակարգին հետագա մասնակցության դադարեցումը՝ որոշել է ընտրված մասնակից ճանաչելու նպատակով անցկացնել գների նվազեցման միաժամանակյա բանակցություններ:

«ԵՔ-ԲՄԾՁԲ-20/36» ընթացակարգի գնահատող հանձնաժողովի 13.04.2020թ.-ի նիստի թիվ 5 արձանագրության համաձայն՝ հանձնաժողովը հիմք ընդունելով «Գնումների մասին» ՀՀ օրենքի 37-րդ հոդվածի 1-ին մասին 1-ին ենթակետը և «Շին Տեխ» ՍՊԸ-ի ընթացակարգին հետագա մասնակցության դադարեցումը, որոշել է «ԵՔ-ԲՄԾՁԲ-20/36» ծածկագրով գնման ընթացակարգը հայտարարել չկայացած:

5. Բողոքներ քննող անձի հիմնավորումները և եզրահանգումը.

Բողոքներ քննող անձը լրիվ, օբյեկտիվ և բազմակողմանի հետազոտելով և գնահատելով սույն գործում առկա ապացույցները, և համադրելով դրանք գործով պարզված փաստական հանգամանքների հետ, հանգում է այն եզրակացության, որ ՀՀ ֆինանսների նախարարության կողմից 27.04.2020թ.-ի թիվ 26/26-1/6120-2020 գրությամբ «Շին Տեխ»

ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգն ենթակա է բավարարման, հետևյալ պատճառաբանությամբ.

«Գնումների մասին» ՀՀ օրենքի (այսուհետ նաև՝ Օրենք) 6-րդ հոդվածի 1-ին մասի 6-րդ կետի «գ» ենթակետի համաձայն՝ ... մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե հայտերը բացելուց հետո հրաժարվել է գնման գործընթացին հետագա մասնակցությունից:

Նույն հոդվածի 2-րդ մասի համաձայն՝ գնումների գործընթացին մասնակցելու իրավունքից զրկված մասնակցի վերաբերյալ ունեցած տեղեկությունների հիման վրա լիազորված մարմինը ընթացակարգ է նախաձեռնում: Տվյալ մասնակցի կարծիքը լսելուց հետո գնումների հետ կապված բողոքներ քննող անձը նույն օրենքի 50-րդ հոդվածի 6-րդ մասով սահմանված ժամկետում որոշում է կայացնում մասնակցին նույն հոդվածով նախատեսված ցուցակում ընդգրկելու վերաբերյալ: Անձը նշված ցուցակում ընդգրկվում է երկու տարի ժամկետով:

Օրենքի 36-րդ հոդվածի 3-րդ մասի համաձայն՝ եթե ընտրված մասնակիցը պայմանագիր կնքելու մասին ծանուցումը և պայմանագրի նախագիծն ստանալուց հետո՝ 10 աշխատանքային օրվա ընթացքում, չի ստորագրում պայմանագիրը և պատվիրատուին ներկայացնում պայմանագրի ապահովումը, ապա նա զրկվում է պայմանագիրն ստորագրելու իրավունքից:

ՀՀ կառավարության 04.05.2017թ.-ի թիվ 526-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) 32-րդ կետի 12-րդ ենթակետի համաձայն՝ ընտրված մասնակցին պայմանագիր կնքելու առաջարկը և կնքվելիք պայմանագրի նախագիծը հանձնաժողովի քարտուղարը տրամադրում է էլեկտրոնային եղանակով: Ապրանքների գնման դեպքում պայմանագրի նախագծում ներառվում է ընտրված մասնակցի կողմից հայտով ներկայացված ապրանքի ամբողջական նկարագիրը:

Նույն կետի 13-րդ ենթակետի համաձայն՝ ընտրված մասնակցի կողմից հաստատված պայմանագրի նախագիծը պատվիրատուին ներկայացվում է գրավոր, և դա ներկայացնելու գրությունը հաշվառվում է պատվիրատուի փաստաթղթաշրջանառության համակարգում: Պատվիրատուի ղեկավարի կողմից պայմանագրի նախագիծը հաստատվում է այդ իրավասության առաջացմանը հաջորդող երկու աշխատանքային օրվա ընթացքում:

Կարգի 45-րդ կետի համաձայն՝ Օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալու օրվան հաջորդող հինգ աշխատանքային օրվա ընթացքում պատվիրատուն տվյալ մասնակցի տվյալները՝ համապատասխան հիմքերով, գրավոր ուղարկում է լիազորված մարմին, որը դրանք ստանալուն հաջորդող 5 աշխատանքային օրվա ընթացքում նախաձեռնում է տվյալ մասնակցին գնումների գործընթացին մասնակցելու իրավունք չունեցող մասնակիցների ցուցակում ներառելու ընթացակարգ:

Վերոնշյալ իրավակարգավորումների համադրված վերլուծության արդյունքում, Բողոքներ քննող անձը եզրահանգում է, որ ընտրված մասնակիցը, հանձնաժողովի քարտուղարի կողմից էլեկտրոնային եղանակով ստանալով պայմանագիր կնքելու մասին ծանուցումը և պայմանագրի նախագիծը, պարտավոր է 10 աշխատանքային օրվա ընթացքում պատվիրատուին ներկայացնել իր կողմից հաստատված պայմանագրի նախագիծն ու պայմանագրի կատարման ապահովումը:

Ընդ որում, եթե ընտրված մասնակիցը հայտերը բացելուց հետո հրաժարվում է գնման գործընթացին հետագա մասնակցությունից, նման դեպքում առաջանում է «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «գ» ենթակետի դրույթների կիրառման անխուսափելիությունը, քանի որ վերջինիս հրաժարվել է գնման գործընթացին հետագա մասնակցությունից:

Վերը շարադրվածից ելնելով՝ մասնակիցը պետք է ընդգրկվի գնումների գործընթացին մասնակցելու իրավունք չունեցող մասնակիցների ցուցակում՝ երկու տարի ժամկետով, քանի որ վերջինիս հրաժարվել է գնման գործընթացների հետագա մասնակցությունից:

Սույն գործի փաստերի հիման վրա Բողոքներ քննող անձն արձանագրում է, որ Երևանի քաղաքապետարանի կողմից շինարարական աշխատանքների որակի տեխնիկական հսկողության ծառայությունների ձեռքբերման նպատակով 18.02.2020թ.-ին և 21.02.2020թ.-ին հայտարարված «ԵԲ-ԲՄԾՁԲ-20/29» և «ԵԲ-ԲՄԾՁԲ-20/36» ծածկագրերով բաց մրցույթներին մասնակցելու նպատակով հայտ ներկայացրած «Շին Տեխ» ՍՊԸ-ն մասնակցության հայտի թիվ 1 հավելվածով՝ բաց մրցույթին մասնակցելու դիմում-հայտարարությամբ, հայտարարել և հավաստել է, որ բավարարում է «ԵԲ-ԲՄԾՁԲ-20/29», «ԵԲ-ԲՄԾՁԲ-20/36» ծածկագրերով բաց մրցույթի հրավերով սահմանված մասնակցության իրավունքի պահանջներին:

«ԵՔ-ԲՄԾՁԲ-20/29» ընթացակարգի գնահատող հանձնաժողովի 01.04.2020թ.-ի նիստի թիվ 3 արձանագրության համաձայն՝ հանձնաժողովը «ԵՔ-ԲՄԾՁԲ-20/29» ծածկագրով ընթացակարգի ընտրված մասնակից է ճանաչել «Շին Տեխ» ՍՊԸ-ին և որոշել է վերջինիս պայմանագիր կնքելու առաջարկ ներկայացնել:

«ԵՔ-ԲՄԾՁԲ-20/36» ընթացակարգի գնահատող հանձնաժողովի 10.04.2020թ.-ի նիստի թիվ 4 արձանագրության համաձայն՝ հանձնաժողովը «ԵՔ-ԲՄԾՁԲ-20/36» ծածկագրով ընթացակարգի 1-րդ, 2-րդ, 3-րդ, 8-րդ և 10-րդ չափաբաժինների մասով ընտրված մասնակից է ճանաչել «Շին Տեխ» ՍՊԸ-ին և որոշել է վերջինիս պայմանագիր կնքելու առաջարկ ներկայացնել:

«Շին Տեխ» ՍՊԸ-ն 13.04.2020թ.-ի թիվ 01 գրությամբ Պատվիրատուին հայտնել է, որ հաշվի առնելով վերջինիս ֆինանսական դրությունը՝ Մասնակիցը հրաժարվում է «ԵՔ-ԲՄԾՁԲ-20/29» և «ԵՔ-ԲՄԾՁԲ-20/36» ծածկագրերով գնման ընթացակարգերին հետագա մասնակցությունից:

«ԵՔ-ԲՄԾՁԲ-20/29» ընթացակարգի գնահատող հանձնաժողովի 13.04.2020թ.-ի նիստի թիվ 4 արձանագրության համաձայն՝ հանձնաժողովը հաշվի առնելով «Շին Տեխ» ՍՊԸ-ի «ԵՔ-ԲՄԾՁԲ-20/29» ծածկագրով ընթացակարգին հետագա մասնակցության դադարեցումը՝ որոշել է ընտրված մասնակից ճանաչելու նպատակով անցկացնել գների նվազեցման միաժամանակյա բանակցություններ:

«ԵՔ-ԲՄԾՁԲ-20/36» ընթացակարգի գնահատող հանձնաժողովի 13.04.2020թ.-ի նիստի թիվ 5 արձանագրության համաձայն՝ հանձնաժողովը հիմք ընդունելով «Գնումների մասին» ՀՀ օրենքի 37-րդ հոդվածի 1-ին մասին 1-ին ենթակետը և «Շին Տեխ» ՍՊԸ-ի ընթացակարգին հետագա մասնակցության դադարեցումը, որոշել է «ԵՔ-ԲՄԾՁԲ-20/36» ծածկագրով գնման ընթացակարգը հայտարարել չկայացած:

Վերոնշյալ իրավական նորմերի և փաստական հանգամանքների հիման, Բողոքներ քննող անձն արձանագրում է, որ «Շին Տեխ» ՍՊԸ-ն 13.04.2020թ.-ի թիվ 01 գրությամբ հրաժարվել է «ԵՔ-ԲՄԾՁԲ-20/29» և «ԵՔ-ԲՄԾՁԲ-20/36» ծածկագրերով գնման ընթացակարգի հետագա մասնակցությունից, որպիսի պայմաններում Մասնակիցը պետք է ընդգրկվի գնումների գործընթացին մասնակցելու իրավունք չունեցող մասնակիցների ցուցակում՝ երկու տարի ժամկետով՝ հիմք ընդունելով «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «գ» ենթակետի դրույթները:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասով՝ ՀՀ գնումների հետ կապված բողոքներ քննող անձը.

Ո Ր Ո Շ Ե Ց

1. ՀՀ ֆինանսների նախարարության կողմից 27.04.2020թ.-ի թիվ 26/26-1/6120-2020 գրությամբ «Շին Տեխ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված թիվ ՍՅ-ԼՕ-2020/116 ծածկագրով ընթացակարգը բավարարել:

2. «Շին Տեխ» ՍՊԸ-ին ընդգրկել գնումների գործընթացին մասնակցելու իրավունք չունեցող մասնակիցների ցուցակում՝ 2 (երկու) տարի ժամկետով:

ՀՀ գնումների հետ կապված բողոքներ քննող անձի ընդունած որոշումն ուժի մեջ է մտնում այն տեղեկագրում հրապարակելուն հաջորդող օրը:

ՀՀ գնումների հետ կապված բողոքներ քննող անձի ընդունած որոշումն իրավապարտադիր է, որը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

ՀՀ ԳՆՈՒՄՆԵՐԻ ՀԵՏ ԿԱՊՎԱԾ

ԲՈՂՈՔՆԵՐ ՔՆՆՈՂ ԱՆՁ՝

ԼԵՎՈՆ ՕՀԱՆՅԱՆ

